

bystant thun vnd keynen widderstant noch ermante hulfe vczghen. Weren abir ymant hir widder tede, wy vorgerurt mir ader eynem andern gewerdigen frigrebin dacz vorclaget ader vormeldet worde, die muste men dar vmme fordern na frigenstuls rechte, dacz en danne zu swere komen vnd gefallin muchte; sottenne zuuormidende rade ich getruwelichen. In orkunde dacz dusse vorgeantten stucke vnd artikelle, do vor my Henriche frigrebe egnant vor my in gerichte vorhandelt ist, habe ich myn ingesigel vestlichin an dissen brieff gehangen. Vnd wir hir na gescreben sin hir mede by anne vnd obir gewesin nemlich Wilhelm Meisenbugh amptman zum Kogelenberge vnd stulhere, Lodewicus Lendemil secretarius zu Folkmerssin, Conradus Grebe vnd Hans Heyneman foyt alle frigescheffin, habin vnse ingesigelle zu forter kunschuff auch an dussen breff gehangen. Datum anno domini M<sup>o</sup>CCCC LX secundo tertia feria proxima post Dionisii.

Nach dem Orig. im Rathsarchiv zu Leipzig mit fünf wohlerhaltenen Siegeln an Pergamentstreifen.

No. 361. 1462. 16. Nov.

*Genannte Freischöffen verkünden dem Abt Johann von S. Peter vor Merseburg, dass Mathias Makwitz wegen gewisser gerichtlicher Vornahmen desselben, welche mit bereits ergangenen Rechtssprüchen in Widerspruch stehen, Berufung eingewendet habe.*

Wir hir nach geschriben mit nomen Lorencz uon Wiczern vnd Hennigk uon Mulbergk, Caspar Möre, Hans Reynhart, Nickel Pafel, Peter Hütter, Caspar Kirmes echte rechte frien schepfin von sottener an ruffung wegen der verfolguinge. Lieber her Johan apte zcu sancte Peter. Also wir och zeum negsten geschriben hatten von Mattis Mackewicz wegen vnd schriffte dar by geschicket, dy clerlichen copyrt waren geworden uß eym haubt briff vnd eyn vorclerung sines rechten, alß den sottenne schriffte mit mer schrifften der rechte in heldet von gebot wegen der keysserliche gesece vnd ordenung der hylgen heymlichen achte, alß den der vorgemeldet Mackewicz vernunnen haitt, wy das vñ ersamikeyt furder greiffet woben sottener rechte geistlichen vnd wertlichen erwunnen, das den der vorgemeldet Mackewicz sich berufet von orñ gerichte an dye ende, do es hyn belanget, uff das mag furder erkennen, wy das ir vordeydygt ader beschuetet dy gewaldige hant, dy den keyn recht achten vnd dem vnrecht by standt thuñ, alß sy selber erzeygen dy wertlichen swert an zcu ruffen vnd angeruffen haben, on sotten vnrecht helfen zcu stercken, das Mattis Mackewicz vnsicher syn muß vnd der ersame probist vom Nüenberck<sup>a)</sup> mit synen pharrern zcu Halle on sottene sache eygen woben sotten inbicio(?) von der muter der hylgen kirchen, das si all veracht haben vnd sy ör ersamikeyt beschügen, alß eyn conscruator orer breuilegii, dy sy gedencken zcu haben woben dy hylgen kirchen, so hait der vorgemeldet Mackewicz sottene hoffnung zcu got vnd syner gerechtikeyt, das ir der sache gestalt on nicht helffet sotten gewalt vnd vnrecht orer breuilegii helffet stercken. Wurdit(?) adir dar an nicht keren vnd wurtett on furder verfolgen dor vber gethan haben, so müsen wir gezugk diesser berufung von

a) Kloster Neuwerk vor der Stadt Halle.